

Payí Jono áwini e eanarini.

Payí rina Jono áwini e eanarini. O xewaniyoyá yoí mirini Jisasoyá siyikí imónigáyo wipenweañoniyi niriniri nwariniginini. Ámá Jono nuriri payí eanyí nani eni nirinina sianani yoí miri apixí wí tñi xegí niaíwí tñi nani niriniri eaniginini. E neri aí “Jisasoyá siyikí imóniñ bñ nani xwiyíxá niriniri eanirani?” yaiwiarinwárinini. Jisaso rixa añnamí nipeyimána xwiogwí aga obaxí nípwemáná eñaná Jono ninweañisána rixa xweyaní neri añí yoí Epesasiyo ninweámána payí rina eaniginini.

¹ Jisasoyá siyikí imónigáyo wipenweañonini apixixi nani —Jixi Gorixo xegí imónirfa nani ía riyam+xinixirini. Jixi nani tñi dixí niaíwíyí nani tñi payí rina eaniginini. Nioní gí xwioxíyo dani nepa diñí sixí seayinini. Nionini maríái, ámá xwiyíá nepaxiñí imóniñpí nani nijá nimóniro diñí wikwíroarigfáyí nñni eni diñí sixí seayinoi.

² Xwiyíá nepaxiñí imóniñpí agwí rina mimáyo tinirane ná ríwíyo aí sini tinirane yanfwa eñagi nani seyíne diñí sixí seayinwini. ³ Ápo Gorixo tñi xewaxo Jisasi Kiraiso tñi awaú nepa diñí sixí nneayiriná nene píraniní nwayirónirane nweañwá nani neaiiri wá nneawianiri ayá nearimixiri episírinini.

“Sekaxí o neariñpí axípiñi xídírrixini.” urinñ nánirini.

⁴ Nioni “Íyá niaíwí xwíyá nēpaxiñí imóniñpí xixeni xídariñoi.” rariñagá ará niwiri nani “Ápo sekaxí nīneariríná api xídírrixinirī neariñpí tñi xixeni ría yariñoi?” niyaiwiriñ dñí nífá ninarini. ⁵ Apixixini, jixi íníná eríapi nani bi oririmiñi. Sekaxí siñí bi niriñ ríwamiñí meariñini. Eníná dani nene ará wiñwápi — Ayí “Negí niriñmeáyo dñí sixí uyíwanigini.” riniñpí jixi érixiniri nani niriñ eariñini. ⁶ “Ámáyo dñí sixí nuyiríná epaxipi pípirani?” miyaiwipani. Nene negí niriñmeáyo dñí sixí nuyiranénáyí, o sekaxí neariñpí xixeni píraníñí xídariñwáriní. Sekaxí o neariñpí — Api seyíne eníná dani ará wigíapirini. “Segí séríñmeáyo dñí sixí uyírixini.” neariñpirini. Api tñi xixeni axípi e érixini.

“Kiraiso nearéwapiyiñpini xaiwííá xiríwanigini.” urinñ nánirini.

⁷ Ámá obaxí rixa “Ámáyo yapí owíwapíyaneyi.” niyaiwiro xwíá ririmi emeariñagá nani searariñini. Yapí raníro nani “Jisasi Kiraiso nepa ámá nimóniri xwíá tño nene támíni mībiñnigini.” rariñgáyirini. E yariñgáyí ámáyo yapí wíwapiyiri Kiraisomi xopírará wimiriñ erí yariño tñi nawini imóniñoi. ⁸ Ayinani seyíne Jisasi nixídíróná niñwíniñí wayíá meáwaniginiñi aníñ miní ría tñí egíapi surímá mimóní api niñini tñi xixeni mearo yayí seaimori eníá nani píraníñí siñwí tñi

éíríxini. ⁹ Ámá Kiraiso nearéwapíyinqípi sini aninqí xaiwí íá mîxirí ámi wigí dinqí tîni gíwí nîmîxirî rarîgíá gíyí gíyí, ayí Gorîxo tîni nawíni imónîgíáyí wímani. E nerî aí Kiraiso rinqípi xixeni íá nîxirîri axípi rarîgíá gíyí gíyí, ayí xaníwímiráú tîni nawíni imónîgíáyí wírini.

¹⁰ Ámá “Jisasomî xîdarîŋwaénerini.” rînarîgíá wí seyíné tîamini nîbîro Kiraiso nearéwapíyinqípi axípi mîrîpa yarîŋagíá nîwînrînáyí, yayí nîwiemearo segí aníyo nání nîpemeámî mîpáwipa éíríxini. ¹¹ Ayí rîpi nání rarîŋini.

Ámá e yarîgíáyo gíyí gíyí yayí nîwiemearínáyí, íwí ayí yarîgíápi axípi ayo enî uxímeaníá enagi nání rarîŋini.

¹² Xwíyíá xwapí ayá wí tîni seyíné nání ríwaminqí eapaxí aiwí “Payí rînamî meapa oemini.” nîmónarini. “Nionî seyíné dinqí nífá aga seáyi e dání seainífa nání nîbîri nîseaímeámáná xwíyíá axí e dání rînaníwárini.” nîyaiwiri dinqí ikwímonini. ¹³ Dîxí rîríxímeái —Í enî Gorîxo xegí imóníwîniŋinîri íá uyamîxinqírinî. Íyá niaíwíyí payí rînamî dání yayí seaiwárenaparîŋoi.

Xwiyáá Gorixoyá Sinípírini
The New Testament in the Ankave language of Papua
New Guinea
Nupela Testamen long tokples Angave long Niugini
copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 21 Feb 2024 from source files dated 31 Aug 2023

7a156761-2cde-5bbc-8428-650a73434051